

杞縣志

札縣志目錄

卷之一

聖製

卷之三

天文志

星圖
補具

分野

躔度

星氣

彗星

卷之三

地理志上

沿革

封疆

古蹟

卷之四

地理志下

疆域

山川

水利

卷之五

紀原志

目錄

卷之六

建置志

城池
公署

學宮
壇廟

書院
寺觀

衙署
坊表

倉庫
橋梁

禮樂志

秩祠

鄉飲

卷之七

田賦志

賦稅
支發

漕糧
河夫

戶口
鹽課

地畝

存留

卷之八

風土志

風俗

物產

卷之九

職官志

刺史
訓導

縣令
各宦

縣佐

治屬

教諭

卷之十

選舉志上
舉人

卷之十一

選舉志下

秀才
武科

恩拔
誥封

副歲
任子

例貢

例監

卷之十二

武備志

兵防

舟戰

烽埃

驛遞

軍衛

卷之十三

人物志一

古聖

名儒

忠烈

直諫

卷之十四

人物志二

事功

循績

卷之十五

人物志三 孝友 篤行

卷之十六

人物志四 文苑 武功

卷之十七

人物志五 隱逸 善良

卷之十八

人物志六 游俠 流寓 方伎 耆農

卷之十九

列女志上 后妃 名媛 義烈 烈女 烈婦
孝女 孝婦 賢婦

卷之二十

列女志下 曾如

卷之二十一

藝文志一

碑記

卷之二十二

藝文志二

銘 讚 頌 疏 表 傳 序 文

卷之二十三

藝文志三

詩歌

卷之二十四

叙錄志

舊志序 書籍目 舊修志姓氏

杞縣志卷之十三

人物志一

古聖

名儒

忠烈

直諫

杞自顓帝御天阿衡繼世固裒然爲宇宙開物生
民立命冠絕古今矣嗣是而後代有聞人如酈食
其之憑軾下齊范史雲之釜魚著節董宣爰延之
峭直蔡邕宋祁之文章班班前史允足動景行之
深思生觀型之餘慕者也近溯明世以逮

國朝或建疆場之勳或樹民社之績臨難捐軀抗疏
悟主古昔所謂鄉先生沒而可祀於社者其在斯
乎至於布衣而多隱德過里必趨綵筆而紀名山

登高能賦七札破賊三寸回天仙術托跡乎青囊
貞心流輝於彤管雖簪笄各殊要皆獨行之君子
全節之令媛也虞翻云忠臣接踵孝子連閭是耶
非耶聞之前美弗彰責在繼起兼搜未廣焉用編
摩况夫巷裏烏衣王謝之流風未泯山中皂帽管
寧之耆德猶存是用訪家乘於文孫披墓碑於荒
草濫竽必檢片善悉登謹據新舊所聞釐爲列傳
其目曰古聖曰名儒曰忠烈曰直諫曰事功曰循
績曰孝友曰篤行曰文苑曰武功曰隱逸曰善長
曰游俠曰流寓曰方技曰耆農凡若干卷顧採輯

失眞掛漏時有不敢蹈求粟受金之嫌或尚存郭公夏五之闕云

古聖

五帝

顓頊高陽氏姬姓黃帝之孫昌意之子也昌意娶蜀山氏女曰昌僕一曰女樞生高陽高陽生而有聖德焉靜淵而有謀疏通而知事都於帝邱以水德王始爲民師而命以民事少昊氏之衰也九黎亂德民神雜揉不可方物家爲巫史民慣於祀民瀆齊盟而神不蠲異嘉生不降禍災游至顓頊乃

命南正重司天以屬神火正黎司地以屬民絕地
天通使無相侵瀆然後民安其生北至幽陵南至
交趾西至流沙東至蟠木日月所照莫不砥屬在
位七十八年其滅也歲在鶉火有才子八人曰八
愷 八愷者高陽氏之子也一曰蒼舒二曰隤鼓
三曰檮戡四曰大臨五曰龍降六曰庭堅七曰仲
容八曰叔達齊聖廣淵明允誠篤天下之民謂之
八愷愷者和也與高辛氏八元並稱十六族世濟
其美不隕其名舜舉之使主后土以揆百事莫不
時序地平天成故書曰納於百揆百揆時序言無

廢事也

商

伊尹者有莘之逸民也名摯生於空桑耕於有莘之野湯以幣聘之三反而後從湯使伊尹適夏以觀桀之政可輔輔之不可輔伐之伊尹入夏知桀之不可爲也復歸於亳湯遂與伊尹伐韋顧昆吾克之遂伐桀戰於鳴條勝之桀奔南巢而死湯崩傳至太甲伊尹以冢宰奉太甲祀於先王乃明言烈祖之成德以訓於王太甲不能用伊尹乃與湯之墓營桐室以放太甲使居憂焉太甲悔過終喪

三年伊尹以冕服奉鬯王歸於亳作太甲三篇以申戒之乃尊伊尹曰阿衡及其老作咸有一德以歸太甲至沃丁之世伊尹卒年一百三十歲葬之於亳伊陟者伊尹之子也帝太戊立伊陟爲相亳有祥桑穀共生於朝一暮大拱帝太戊懼問伊陟陟對曰臣聞妖不勝德帝之政其有闕與帝其修德太戊從之三日而祥桑死初伊陟贊於巫咸作咸義四篇太戊贊於伊陟作伊陟原命故殷道復興者伊陟之力也

按五帝之世文字寥廓大約疑信參半祀有高陽

涿亦有高陽杞有空桑洛亦有空桑亦從其近似者而已張晏云顓頊以來天下之號因其名高陽乃顓頊所生之地名卽今杞西是也故去濮陽爲甚近若涿州則遠矣至顓頊之後六年生舜八愷相去甚遠舜何由舉哉杜預所以有顓頊苗裔之說而以庭堅爲臯陶字則非也夫史旣明言高陽氏有才子八人則不爲苗裔甚明特舜所舉者則其苗裔耳詳其文曰世濟曰族可知也魏獻子又云顓頊氏有子曰黎爲祝融卽所謂火正黎也呂氏春秋云有仇氏女採得嬰兒於空桑後居伊水

命曰伊尹

尹正也講湯使之正天下

曰探得曰後居則爲杞明

矣括地志云古莘國在汴州陳畱縣東故莘城是也洛安得有莘哉皇甫謐以伊尹爲力牧之後則空桑之說似不可信然考亭註騷經又以爲實然竹書紀年云伊尹有子曰伊奮其事不經而劉子元作史通獨深信其說若此者何可以常情測哉姑取其近理者而已

名儒

太史氏著六家指要與儒並列何其謬也嗚呼儒

豈易言哉要以學力深詣德行純粹則其品又不

在名聞顯晦獵功摘藻之際儒術之重有自來也
茲仍舊志所錄落落幾人略存梗概以資考鏡云

東漢

婁望字次子雍邱人少習嚴氏春秋操節清白有
稱鄉閭建武中趙節王栩聞其高名遣使齎玉帛
請以爲師望不受後仕郡功曹永平初爲侍中越
騎校尉入講省內十六年遷大司農十八年代周
澤爲太常建初五年坐事左轉大中大夫後爲左
中郎將教授不倦世稱儒宗諸生著錄九千餘人
年八十卒於官門生會葬者千人儒家以爲榮

竇章字伯向外黃人少好學有文章與馬融崔瑗
同好更相推薦永初中三輔遭羌寇章避難東國
家於外黃居貧蓬戶蔬食躬勤孝養然講讀不輟
太僕鄧康聞其名請欲與交章不肯往康以此益
重焉遂薦章入東觀爲校書郎順帝初章女年十
二能屬文以才貌選入掖庭有寵於梁皇后並爲
貴人擢章爲羽林郎將遷屯騎都尉章謙虛下士
收進時輩甚得名譽是時梁竇並貴各有賓客多
交構其間章推心待之故得免於患貴人早卒帝
追思無已詔史官樹碑頌德章自爲之辭貴人歿

後帝禮待之弗衰永和五年遷少府漢安二年轉
大鴻臚建康元年梁后稱制章自免卒於家中子
唐有俊才官至虎賁中郎將

宋

孔維字爲則雍州人乾德四年九經及第開寶中
爲考試官太宗卽位擢授太子左贊善大夫太平
興國中拜國子周易博士遷禮記博士七年使高
麗王治問禮於維維對以君臣父子之道升降等
威之序治悅稱之曰今日復見中國夫子也雍熙
三年擢爲國子司業賜金紫會將有事於藉田維

起周禮至於唐書凡沿革制度並錄之以獻觀者
稱其博又上書請禁原蠶以利國馬直史館樂史
駁之維復抗疏論辨爲依周禮禁原蠶爲當上雖
不用維言而嘉其援引經據以章付史館藉田畢
拜國子祭酒淳化初兼工部侍郎二年卒年六十
四維號通經術頗以經術受知太宗求爲司業卽
以授之宋制使外國者皆假服金紫維自高麗還
會東使至因見上詭言高麗使問臣獲何罪降服
因泣下上憐之卽賜以金紫又受詔與學官校定

五經疏義刻板行世功未及畢被病將終召其徒

鄭革口授遺表以五經疏未畢為恨景德四年錄其孫禹圭同學究出身

明

孫賢字舜卿景泰甲戌進士臚傳第一授翰林修撰預修寰宇通志成轉侍講天順初改左中允侍東宮講讀憲宗卽位遷太常少卿已而乞歸省上念侍從舊勞賜予甚渥且特命乘傳歸里及還復預修英宗實錄成進太常卿兼翰林院學士無何以母憂歸恥言析箸盡以遺產畀其二弟服除以學士命掌翰林院事卽上疏請建皇儲以立國本

因乞致仕示無希覬意上皆允之歸六年而寢疾

索筆自為贊而卒贈禮部左侍郎兼翰林院學士

諡襄敏初賢庚午舉於鄉辛未計借北上宿彰德驛丞盛設待之賢疑怪丞曰昨夢神人建

大旗驛門上題狀元字故預備酒饌耳是科下第至甲戌方驗

楊本仁字次山幼事親以孝聞及長問學淵博遇

事沉毅能斷嘉靖己丑舉進士授工部都水司主

事差理河務嘗自備糗糧不費民間一錢尋陞九

江兵備副使時當大計朝議以本仁為天下清官

第一歷轉湖廣左布政使致仕本仁居職雖所在

著聲而恬於仕宦歸田之後惟究心性命考訂古

今同異以終餘年家食時足不履公庭居父喪四
日不食三年不肉所著少室山人集文詞古茂同
時趙時春唐順之輩共推之

楊鳳字澄懷本仁之孫幼卽善書所誦習皆手自
抄錄萬曆丙子試第一癸未進士授翰林院庶吉
士改兵科左給事中在掖垣清正不阿遇事無大
小輒條奏以聞數見採納尋陞太僕寺少卿以疾
歸歸益沉酣六籍詩文有晉魏風味學者宗之及
卒戒其子勿請建坊從祀以違素志有祖風焉
按儒之難言也孔子大聖而其徒不過三千望之

著錄弟子乃更過之然與否與章以外家媼而謙
以自牧有儒者氣象維以經術受知號稱儒者而
覬尊官徽章服不幾陋乎賢雖乏淵博之譽然居
講肄遇大事未嘗默默早歲懸車賢於維矣本仁
廉聲介節一本經術再傳弗替若其少室集俎豆
詞壇爲杞中流一柱庶幾閱覽博物君子也

忠烈

凡爲人臣子者以忠自効此天地之經萬古不易
也至忠而以烈名則更有大不得已焉者要以遭
時之窮處勢之變因而殺身成仁舍生取義甚至

下土皆能夠國武夫亦恥偷生豈過爲激烈哉亦
行其心之所安而已杞自漢魏至今蒐羅編葺代
不乏人雖百世下讀之亦有爲之傷心而隕涕者
西漢

蔡勳國人好黃老平帝時爲郿令王莽初授以厭
戎連率勳對印綬仰天嘆曰吾策名漢室死歸其
正昔曾子不受季孫之賜况可事二姓哉遂攜家
屬逃入深山與鮑宣卓茂等同不事新室

魏

范粲字承明丹之孫也高亮貞正有丹風而博涉

強記學皆可師遠近請益者甚衆魏時州府交辟皆不就久之乃應命爲治中辟大尉掾尙書郎出爲征西司馬所歷職皆有聲及司馬懿輔政遷武威太守到郡遷良吏立學校勸農桑是時戎夷內侵粲明設防備敵不敢犯西域流通無烽燧之警又郡壤富實玩珍充積粲檢制之息其華侈以母老罷官後轉太宰從事中郎遭母憂以至孝稱服闋復爲太宰中郎齊王芳被廢遷於金城粲素服拜送哀動左右時司馬師輔政召羣臣會議粲又

不判朝廷以其時望優容之粲遂稱疾闕門詳

不言寢所乘車足不履地子孫恒侍左右至有婚
宦大事輒密詔焉合者則色無變不合則眠寢不
安妻子以此知其旨司馬炎篡位粲同郡孫和時
爲官僚表薦粲稱其操行高潔久嬰疾病可使郡
縣興致京師加以聖恩必有益於政乃詔郡縣給
醫藥又以二千石祿養病歲以爲常加賜帛百匹
子喬以父疾篤辭不敢受詔不許卒時年八十四
不言三十六載終於所寢之車

宋

乘澤仁宗時人勇力過人善用劔及鐵鑄有謀略

謹畏常若不足少舉進士不中嘗遭大水有粟二廩將以舟載之見民走避溺者遂棄其粟而載之皆得不死徙居汝潁諸縣多盜獨提一劍奮往殺獲殆盡旁縣因之無盜轉運使奏其事授郟縣尉天聖中移尉澠池改右班殿直爲永安巡檢明道末還京師樞密求銀爲致閣門祇候憚曰用賄得官非我志也竟除兵馬押監未行會宜州蠻叛命憚往征盡殺之乃授閣門祇候將讓其賞以歸已上者或譏以好名憚曰若欲避名則善不可爲也

益辭之不許遷爲廣西駐泊都監元昊反未年

其勇略遷內殿崇班鄧延路兵馬都監踰月徙涇
原屯鎮戎軍與任福遇敵於好水川力戰而死贈
防禦使

明

楊應能建文時爲吳王教授以勁直稱壬午六月
乙丑靖難師至金川門失守帝欲自殺翰林院編
修程濟曰不如出亡少監王鉞跪進曰昔高帝升
遐時有遺篋曰臨大難當發謹收藏奉先殿之左
羣臣齊言急出之俄而昇一紅篋至四圍俱固以
鐵一鎖亦灌鐵帝見而大慟急命舉火焚大內程

濟碎篋得度牒三張一名應文一名應能一名應賢架娑帽鞋剃刀俱備帝曰數也應能遂與葉希賢同祝髮從帝亡相顧言曰鞠躬盡瘁死而後已非耑爲居職言也是日晚會於神樂觀帝約以師弟相呼遂至史仲彬家復泛舟抵京口過六合陸行至襄陽十月至廖平家永樂元年至雲南永嘉寺二年八月復從帝至仲彬家游天台雁蕩三十

九日始返雲南四年四月結茆白龍山七年至重慶襄陽復回菴九年從帝至浪穹鶴慶山募建一

菴名大喜明年三月應能卒四月希賢亦卒俱

於此

當其渡江重九夜宿六合草店詩曰

程濟抱帝足侍寢應能盡出葛衣為衾帝倡
詩曰黃花滿地帶霜開應能希賢各一句即此可
想其艱苦之狀云

按明史力辨建文無出亡事此傳及下王資劉仲
二傳猶本野史之說茲以舊志所錄姑存之

王資建文時官指揮使從偏將防守淮北驍勇善

射喜讀古節義傳靈壁之役率步卒護軍餉諸將

敗輜重芻糧委棄狼藉資被執復遁去又從徐安

防禦鳳陽奏事京師言守禦宜預已而從帝出亡

兩比邱外二十二人資其一也帝嘗主其家至八

月恐人多不便各星散暗通消息資遂易服為道

士曾同金焦之河南既而隱玉華山即號玉華山

樵云

劉伸建文時官鎮撫靖難師至亦從帝出亡時戴
寅冠講太元老子八月自史仲彬家各四路行至
明年三月以帝舊約集襄陽廖平家適馬二子自
雲南來傳帝命止之令諸臣無煩往來因各散去
甲申八月與諸臣約會帝游天台雁蕩諸山時天
氣已寒帝返雲南伸畱天台間以老

張繼祖嘉靖時人士能七世孫也生而美鬚髯善
騎射居常慕甘陳之烈性喜飲飲不甚多暇日卽

召祈部止上殺牛酉交權不致蓋風立下曰天子

聚萬姓之糧餉以養邊吾輩不能出死力捍敵以
遺北顧之憂職任之謂何自是知名募府會敵大
舉入寇繼祖卽披甲持刀率本營軍及麾下壯士
突至陳前衝擊之殺傷頗衆甫且敵覺我師甚寡
分騎兵遮其歸路繼祖酣戰二日援兵不至諸軍
士皆空腹力不能支繼祖亦身被數十鎗度不能
免乃嘆曰藉令南面有一鉦號援吾猶得生今已
矣遂力戰而死督撫上其事於朝勅表其忠節令
其後承襲無子從弟爵承襲

袁文明字懷堂武舉解元際可孫有胆力任俠尤

精騎射崇正八年正月二十二日流寇圍杞時土
墉耳攻北門甚急文明歷薪灌油焚死寇數十人
復縋城數四趕殺賊衆城賴以全邑令申佳印上
其事兩院以力保危城旌其門後土寇繁多挺身
捍禦因離城追戰深入數十里遂遇害劉文烈爲
詩弔之

韓受之字冲斗天啟辛酉武舉從督撫王三善征
南有功歷陞遊擊討黔寇安邦死之

范世增字奎光攝縣事李經所署總練也長身多

膂力善鎗法壬午癸未間盜賊熾世增嘗率旣

言曰吾獨不得爲百夫長以殺賊耳乙酉正月通
許土寇來侵掠閭城惶懼攝縣事李經署世增爲
五門總練率百餘人出戰刺其渠魁墮馬死邑中
舉酒相賀越十餘日其弟悉衆來復仇村落焚殺
一空經率世增固守月餘食盡出戰賊少却追至
一村賊張兩翼圍之經馬蹶世增授以已馬揮使
去自乘羸馬力戰死之閭城爲之喪氣時有李友
京者亦殺賊陣亡

劉理順字復禮一字湛六幼孤奉孀母惟謹母稍
失意卽啼泣請罪俟母悅乃止居鄉以人倫風教

爲已任不肯詭隨從俗弱冠領鄉薦崇正甲戌登
進士第殿試第一人臚唱日上還宮喜曰朕今日
得一耆碩矣理順素有學行朝士咸稱帝知人其
鄉人爭美之理順曰昔王曾志不在溫飽吾豈異
是且憂懼方始何美爲拜修撰司起居注管理六
曹章奏纂修會典十二年春畿輔告警疏陳作士
氣矜窮民簡良吏定師期信賞罰招脅從六事詔
所司議行因蠲畿輔山東被兵逋賦厯南京師業
左中允右諭德入侍經筵兼東宮講官楊嗣昌奪

請人劾中外相繼論劾嗣昌力詆言者曰君綱在

父綱上戰國分裂誼固可逃天下一家無可逃也
理順深指其謬旋復劾之嗣昌怒奪其講官久之
上念其名復還經筵兼知制誥所撰皆端士勞臣
鼓忠褒勤之詞故每當視草競相詡曰此鼎元劉
公筆也以爲榮闖寇躡中原諸將皆賂權貴爲隱
蔽計理順感情憂危義形於色汴圍急復議援勦
策請分屯河北撫練死士如李抱真澤路故事當
事以爲迂格不行楊嗣昌薛國觀周延儒迭用事
理順一無附麗出溫體仁門言論不少徇及賊入
闕理順嘆曰事去矣歸悉捐家貲分犒守城卒僚

友或問進止正色曰存亡視國尙須商酌耶城破
妻萬妾李請先死理順許之俟其既絕具抱藊北
面再拜入別宗祠大書曰成仁取義孔孟所傳
信踐之吾何不然既占科名豈敢苟全三忠祠內
無愧前賢字畫端勁無異暇時書畢家人環泣理
順揮之夫投環而死僕四人俱死一僕殮主人畢
亦死羣盜中有中州人聞其死入唁曰此吾鄉杞
縣劉狀元也居鄉厚德何遽死羸拜號泣而去後
贈詹事諡文正

賜諡文烈順治九年祀於鄉十年與田七十畝春秋致祭

李崇一字孕噩戊辰進士授寶坻知縣邑多瑄族
崇一嚴正不阿忤旨被逮下寶坻獄後寇亂城破
以刃劫降崇一不屈死之

崇正間死難者不能悉紀紀其知姓名者

孫枝秀 廩生 何成名 庠生 戴潤 廩生 孟紹勳 庠生

李學易 庠生 丁得時 庠生 陳輔世 庠生 張保泰 庠生

孟罔驪 庠生 袁之淵 庠生 以上十人皆被執罵
賊或有力殺數人而死者

國朝

宋從心字見孔明季葵西經魁

國初授刑部主事出為延安府知府時三秦甫定倉卒土寇作亂以刃脇降從心不屈死之順治十二年

賜祭葬贈太僕寺卿廕子炳文入監

潘朝佑字佑君順治丙戌進士授襄陽知縣時反側未定寇變城陷以刃脇降不屈死之順治八年

賜祭葬贈湖廣按察司僉事檣子理入監

按君嚴不事新望承明弗臣典午可謂大節不虧矣遜國之際建文易服虎身蠶微而應能輩生死相從此係野史之說然舊志有之疑以傳疑亦未

敢輒削也理順平生忠孝國門就義無論婦人孺子皆深慕而樂道之寧非烈丈夫哉

直諫

諫之爲道由來尚矣孔子曰忠焉能勿誨乎蓋諫固所以盡其忠也夫人臣出身致君無不欲以忠自矢而或一遇朝廷得失輒委蛇緘默爲全軀保妻子之計何不肖如之至長君逢君又無論焉然則不顧身家抗言極諫彼其之子邦之司直又可

不特表之以勵後之爲人臣者耶

東漢

董宣字少平，圉人也。初爲司徒侯霸所辟，舉累遷。

北海相到官，有大姓公孫丹爲五官掾，丹新造宅。

卜者以爲有當死者，丹乃命其子殺道行人，置屍

舍內，以塞其咎。宣知卽收丹父子殺之，丹族黨三

十餘人詣府稱寃。宣以丹前附王莽，慮交通海賊，

乃悉收繫獄，盡殺之。青州以其多濫奏之，宣坐徵

詣廷尉在獄，晨夜諷誦，無憂色。及當出刑，官屬具

饌送之，宣厲色却之。升車而去。光武馳使特原宣。

刑後，江夏有劇賊夏喜等，尅亂郡境，復以宣爲江

夏太守，到界移書喜等，令思自安之策。喜等懼卽

時降散外戚陰氏爲郡都尉宣輕慢之坐免後特
徵爲洛陽令時湖陽公主蒼頭白日殺人因匿主
家吏不能得及主出行而以奴驂乘宣於夏門亭
候之乃駐車叩馬以刀畫地大言數主之失叱奴
下車格殺之主卽還宮訴帝帝大怒召宣欲箠殺
之宣曰陛下聖德中興而縱奴殺良人將何以理
天下乎臣不須箠請得自殺卽以頭擊楹流血被
爾帝令小黃門持之使宣叩頭謝主宣不從彊使
頓之宣兩手揀地終不肯服因敕彊項令出賜錢
三千萬宣悉以班諸吏由是搏擊豪彊莫不震慄

京師號爲臥虎歌之曰抱鼓不鳴董少平在縣五
年年七十四卒於官詔遣使者臨視唯見布被覆
屍妻子對哭有大麥數斛敝車一乘帝傷之曰董
宣廉潔死乃知之以宣嘗爲二千石賜艾綬葬以
大夫禮拜子並爲郎中後官至齊相

爰延字季平外黃人也清苦好學能通經教授性
質慤少言縣令隴西牛述好士知人乃禮請延爲
廷掾後令史昭以爲鄉嗇夫仁化大行人但聞嗇
夫不知郡縣在事三年州府禮請不就桓帝時徵

博士太尉掾兼等舉賢良方正再遷爲侍中帝

士林苑從容問延曰朕何如主對曰陛下爲漢中
主何以言之對曰尙書令陳蕃任事則化中常侍
黃門預政則亂是則陛下可與爲善可與爲非帝
曰昔朱雲廷折欄檻今侍中面稱朕違敬聞闕矣
後拜大鴻臚帝以延儒生常特尋宴見時太史令
上言客星經帝座帝密以問延延因上封事曰陛
下以河南尹鄧萬有龍潛之舊封爲通侯恩重公
卿惠豐宗室加頃引見與之對博上下媿贖有虧
尊嚴昔武帝與幸臣李延年韓嫣同臥起尊爵重
賜情欲無厭遂生驕淫之心行不義之事卒伏其

辜願陛下遠讒諛之人納謇謇之士除左右之權
寤宦官之蔽使積善日熙佞惡消殄則乾災可除
帝省其奏因以病上疏乞骸骨還家靈帝復特徵
不行病卒子驥白馬令亦稱善士

明

劉道立字成已成化辛丑進士授朝邑知縣值歲
禮多方賑濟全活甚衆有刺客殺人而逃誣及無
辜已成獄數年道立疑之白晝若有神明附耳曰
景陽殺人奈何誣無辜道立怪之陰遣人密偵果

得所謂景陽者一供而大由是邑中號爲神明尋

擢監察御史立朝明正不阿時聞宦官劉瑾用事勢傾中外道立獨毅然不屈面折廷諍爲時所重出按正定丰采栗栗墨吏望風解印綬去後陞陝西僉事丁外艱復除陝西尋丁內艱復除山西尋調陝西俱僉事未幾致仕前後二十餘年未嘗攜妻子之任其性剛毅難易事難悅邑人敬而憚之孫和萬應煥辰進士歷官雲南左布政使

何倬字章夫幼孤其兄仕撫之倬事兄如父萬曆甲戌與兄子允升同舉進士授德平知縣德平徭役不均倬悉心編定之期於均適庚辰被徵辭中

丞某某以上賓禮禮之倬自分屬官不樂受中丞
曰君此行臺省耳故爾至京除山東道御史而中
丞適被彈坐罷當事欲原之倬扼腕止之曰撫臣
重任民社所憑豈可復用此與懦巧宦耶蓋心輕
延歎事也竟報罷時言路大開建議者多以搏擊
立威悼獨崇教大至於職司所及國計民生利病
則盡言無諱江陵植黨傾文襄一時善士不歸鄭
則歸楚倬中立不倚比江陵敗衆皆嗷嗷吹毛索
瘢中有借倬言以飾廣鼎者輒笑曰旣不能徙薪
於先而公次取鼎於後如推道何卒不與士論多

之丁亥出按蜀蜀賦故重俸始爲條鞭法蜀中俸
之俄而川江用兵倬日夜焦勞以勤供億及賦夷
勦平由川北馳至馬湖按驗賊級營壘居極邊者
危嶠險巖車馬難行從來直指足所未到倬悉履
其地時方酷暑腥穢亦不之避賊平有求冒濫戰
功者輒據實以奏仍具善後事宜十六款上嘉納
之按蜀歸褻服盡敝三黨之戚靡所濡潤有嘲者
曰御史而服此服乎倬曰始吾服此而往今吾服
此而來不失故吾足矣嘲者慚退尋丁憂歸癸巳
起補陝西道御史巡視京營京營故冒濫餼食伍

馬廢弛操練日覓諸璫馬以應檢查倬廉知之呼

軍士諭曰營馬印識易泯今後凡係軍騎者刈一

耳以爲記諸璫側目諾旦上書極言曰羽林軍馬

爲天子捍衛不極力振飭積久逾玩疏上畱中倬

憤曰宵人若是神耶天子聰明豈能效劉瑾汪直

輩乎諸璫悚慄質明命下竟絕覓馬之弊再陳五

事皆切禁地利弊京城權貴皆畏憚之禁地肅然

秩滿晉光祿寺少卿會榮昌主婚一時禮儀多所

酌定率從儉約時議躉之遷大理寺少卿倬自被

徵至此悉官中外有年積勞成瘵因乞骸骨歸歸

後里中有大利害如換濶布募驛馬正開墾之類
仍爲上書當道期於得請而止卒年六十六倬名
位雖隆不爲生產計粗衣糲食敝車羸馬以終其
身宦成後嘗買田三百畝以贍孤姪而自奉殊薄
故其子孫至今食貧云

何允升字吉甫蜀冠與叔倬同舉進士授猗氏知
縣以執法獲戾權貴飾其罪惡之直指論奏詔平
鄉尋擢兵部員外郎奉命轉餉薊鎮寧竣過里值
歲歉乃立義田若干畝以贍族之貧者明年卒
李用中字見虞萬曆癸未進士知洋縣多善政以

方正擢御史時首輔申時行內戚吳之正勢奪娶
婦爲妾伺有孕不爲防閑因潛出鳴冤於姑蘇太
守石崑玉剖其腹自到庭前太守執之貞抵法死
時行啣之諷巡撫李萊誣以他事坐重罪用中察
知崑玉枉上疏力白其狀時行與萊俱罷斥崑玉
得雪一時直聲震中外後值議建儲鄭妃有寵欲
立所出用中力明嫡庶之義三諫未從疏俱畱中
緣是遂改遷山西兵憲尋以終養告歸用中居官
廉直行已端方鄉黨皆敬憚之建祠西關祀焉及
卒繼室賈氏以身殉

孔貞一字紹虞幼聰敏年十二爲學使者所賞拔
入庠萬厯乙酉年十六應省試時場中猶閱墨牘
主司見其規格嚴整疑爲老宿已入設矣而抑之
罰車撤棘知是貞一悔之貞一退益肆力於學戊
子鄉試第三己丑成進士授江陵知縣下車首革
衙臺之羨錢糧屢禁火耗無論需索概絕卽收者
稍溢於額必痛懲之江隄頽圯裁浮費僱工築之
民若不知隄之成者蒞政八年荆人思之比去特
爲建廟與漢劉昆並祀壬寅擢監察御史巡視城
務一時巨憝如李五禿子輩結連勳戚諸璫勢傾

中外卿相側目貞一擒得之立斃杖下自是權貴
斂跡畿甸肅然甲辰接漕時河務方殷董河尙書
利速成功濬治多不如法貞一具疏劾之承平日
久舉人居鄉有不法者貞一疏請聽各直省巡按
御史考察遂著爲例丙午按蜀括贖緩抵全蜀商
稅三萬兩拂稅璫邱乘雲意累疏詰辨終不爲撓
又請蠲歲輸扇金得免其半戊申按京畿奏臨洛
關建於郡邑請設府佐以彈壓之己酉冬奉命掌
庚戌大計條陳計典諸事務甄別之當百度折服

性嘗諫風節操然歷官三十年食不重味服必在
素夙興夜寐始終如一在西臺疏不下數百上皆
有裨時政上每優詔答之巡方所至苞苴請托概
爲禁絕神宗知其賢方將柄用而貞一卒矣年五
十八

按諫之道有直而已曰譎曰諷皆所以濟直之窮
而立仗之馬抱葉之蠅遂因以借口何其惡耶董
宣爰延俱以直諫受賞固臣之忠乎亦主有以容
之也道立用中貞一立乎晚近而能抗言危論不
避權貴可謂邦之可直矣雖然湖陽蒼頭之事宣

以死諍所全特大而范史狠擠之酷吏如蔚宗之
論將使脂韋之徒視豺狼當道白晝殺人而漠不
加理然後謂之循吏豈權衡之當哉

杞縣志卷之十四

人物志二 事功 循績

事功

古稱三不朽立功爲次功名者道德之徵也非有
潛確不拔之操經緯萬端之智安能臨事懋建以
安家國而利民生哉杞邑自漢魏至今代生偉人
豐功盛烈彰彰可考叙而錄之匪獨有光典冊也
東漢

酈食其高陽人也好讀書家貧落魄爲里監門吏
人莫敢役沛公略地陳畱麾下騎士適食其里中

子食其謂曰吾聞沛公有大略此真吾所願從遊者若見沛公言曰臣里中有酈生年六十餘莪長八尺人謂之狂生生自謂非狂騎士曰沛公不喜儒未可以儒生說也食其曰第言之騎士從容言如食其所戒沛公至高陽舍傳使人召食其食其至入謁沛公方踞牀令兩女子洗而見食其食其入卽長揖不拜曰足下欲助秦攻諸侯乎欲率諸侯攻秦乎沛公罵曰豎儒夫天下同苦秦久矣故諸侯相率攻秦何謂助秦食其曰必欲聚徒合義

與沛無道秦不宜居見其者於是沛公殺洗其衣

延食其上坐請之曰請食其日夫陳有
之衝也今其城中多積粟臣知其令今請使令下
足下卽不聽足下舉兵攻之臣爲內應於是遣食
其往沛公引兵隨之遂下陳留號食其爲廣野君
常爲說客馳使諸侯漢三年秋項羽擊漢拔滎陽
韓信方東擊齊漢王數困計欲捐成臯以東屯鞏
雒以距楚食其曰臣聞之民以食爲天夫敖倉天
下轉輸久矣其下乃有藏粟楚人拔滎陽不守敖
倉乃引而東此乃天所以資漢也且兩雄不俱立
願足下急復進兵收取滎陽據倉庾之粟塞成臯

之險杜太行之道距飛狐之口守白馬之津以示

諸侯形制之勢則天下知所歸矣方今燕趙已定

惟齊未下臣請得奉明詔說齊王使爲漢而稱東

藩上曰善乃從其畫復守敖倉而使食其說齊王

曰王知天下之所歸乎齊王曰何歸曰歸漢漢王

發蜀漢定三秦涉西河之外援上黨之兵下井陘

誅成安君破北魏舉三十二城此蚩尤之兵也天

下後服者先亡王疾先下漢王齊國社稷可得而

保也齊王田廣以爲然乃聽食其罷歷下兵守戰

請與食其曰從西韓信割食其懸城下七十餘城

乃夜度兵平原莫齊齊王田廣聞漢兵至以爲食
其賣已乃烹食其引兵走漢十二年高祖舉列侯
功臣思食其封其子疥爲高梁侯

酈商食其弟也陳勝起時商聚少年得數千沛公
掠地至陳畱商以將卒數千人屬焉從攻長社先
登又從攻緱氏破秦軍定漢中沛爲漢王賜商爵
封信成君以爲隴西都尉項籍旣死漢王爲帝其
秋燕王臧荼反商從擊荼戰龍脫先登陷陣破荼
軍易下遷爲右丞相賜爵列侯與諸侯剖符世世
勿絕食邑涿五千戶號曰涿侯以右丞相從擊陳

豨殘東垣又從帝擊黥布攻其前拒陷兩陳遂破
布軍更食曲周五千一百戶號曲周侯孝惠高后
時商病不治事其子寄字況與呂祿善及高后崩
大臣欲誅諸呂呂祿爲將軍軍於北軍太尉勃不
得入北軍於是乃使人劫酈商令其子給呂祿呂
祿信之故與出遊而太尉勃乃得入據北軍遂誅
諸呂是歲商卒諡曰景侯

魏

高柔字文惠式之曾孫父靖爲蜀郡太守卒於西

州柔冒艱險詣蜀迎喪三年乃還魏公操平袁氏

以柔爲營長縣中素聞其名姦吏數人皆自引去
柔初自歸魏魏公操以爲刺姦令史處法允當獄
無留滯魏國初建拜丞相理曹掾時置校事官使
察羣下柔諫不從後校事官以姦利敗魏王操殺
之以謝柔文帝踐祚以柔爲治書侍御史賜爵關
內侯轉加治書執法民間數有誹謗妖言帝疾之
有妖言輒殺而厚賞告者柔極諫乃止自黃初來
數年之間舉吏民奸罪以萬數柔皆請徵虛實其
餘小小犯法者不過罰金四年遷廷尉明帝卽位
封延壽亭侯時大興殿舍百姓勞役廣采衆女完

盈後宮皇子連天繼嗣未育柔皆上疏極諫帝嘉納之時獵法甚峻宜賜典農劉龜竊於禁內射兔其功曹張京詣校事告之帝匿京名收龜付獄柔表請告者名帝大怒柔曰廷尉天下之平也安得以至尊喜怒而毀法乎重復爲奏詞指深切帝悟乃下京名卽還訊各當其罪而止又護營軍士竇禮近出不還以爲亡將沒其妻盈及男女爲官奴婢盈連至州府稱冤自訟無省者乃辭詣廷尉柔問曰汝何以知夫不亡盈垂泣曰夫少軍特養老區爲母謹事之又哀兒女無親不離非輕校不顧

室家者又曰汝夫不與人交錢財子曰嘗出錢與
同營士焦子文求不與時子文適坐小事繫獄柔
見子文問所坐言汝頗曾舉人錢不對曰未也柔
察子文色動遂曰汝昔舉實禮錢何言未也子文
怪知事露對不次柔曰汝已殺禮便宜早服於是
自首殺禮本末埋屍處所因遣吏卒往掘得禮屍
在官十三年遷司空後封安國侯轉太尉年九十
薨諡曰元侯

晉

高光字宣茂柔之子也少習家業明練刑理初以

太子舍人景遷尙書郎時武帝置長沙獄以光歷
世明法用爲長沙御史秩與中丞同遷廷尉元康
中拜尙書典三公曹時趙王倫篡逆光於其際守
道金貞及倫賜死齊王冏輔政復以光爲廷尉遷
尙書加率軍都尉後從駕討成都王穎有功封延
陵縣公於時朝廷臧推光明於用法故頻典理官
惠帝爲張方所逼幸長安朝臣奔散莫有從者光
獨侍帝而西遷尙書左僕射加散騎常侍及懷帝
卽位加光祿大夫金章紫綬與傅祗並見推崇尋
爲尙書令以疾卒賜同空侍中屬京洛傾覆意未

加謚

江統字應元，圍人祖，以義行稱爲譙郡太守，封
亢父男。父祚，南安太守。統靜默，有遠志，時人爲之
語曰：「嶷然稀言。」江應元襲父爵，除山陰令。時關隴
屢爲氐羌所擾，孟觀西討，自擒氐帥齊萬年。統深
慮之，謂宜杜其萌，乃作徙戎論。上之，帝不能用。轉
太子洗馬。在東宮累年，甚被親遇。及太子廢，徙許
昌，賈后諷有司不聽。官臣追送統，與官臣冒禁至
伊水，拜辭道左，悲泣流連。都官從事收統付河南
洛陽獄，未幾釋之。及太子薨，改葬統，作誄叙哀爲

世所重後爲博士尙書郎叅大司馬齊王冏軍事
冏驕荒將敗統切諫不聽遷廷尉正每州郡疑獄
斷處從輕成都王穎請爲記室多所箴諫申論陸
雲兄弟辭甚切至以母憂去職服闋爲司徒左長
史東海王越爲兗州牧以統爲別駕委以州事與
統書曰昔王子師爲豫州未下車辟荀慈明下車
辟孔文舉貴州人士有堪應此者不統舉高平郗
鑿爲賢良陳雷阮修爲直言濟北程收爲方正時
以爲知人尋遷黃門侍郎散騎常侍領國子博士
永嘉四年趙維奔於成臯病卒凡所造賦頌表奏

皆傳於後

江彰字思玄統之子也本州辟舉秀才平南將軍
溫嶠以爲叅軍復爲州別駕辟司空郗鑿除長
山令鑿又請爲司馬車騎將軍庾冰鎮江州請爲
長史冰薨庾翼以爲諮議叅軍俄而復補長史翼
薨大將于瓚作難彰討平之除尙書吏部郎仍遷
御史中丞永和申代桓景爲護軍將軍出補會稽
內史代王廞之爲尙書僕射積年簡文帝爲相每
訪政事彰多所補益轉護軍將軍領國子祭酒卒
官于鼓厯瑯琊內史驃騎諮議

江適字道載譙郡太守韙之曾孫也適少孤與從弟灑共居甚相友悌由是獲譽嘗避蘇峻之亂屏居臨海剪髮結字耽玩載籍有終焉之志本州僻從事除佐著郎並不就征北將軍蔡謨命爲參軍何克復引爲驃騎功曹以家貧求試守爲太末令縣界深山中有亡命數百家恃險爲阻前後守宰莫能平適到官召其魁帥厚加接撫諭以禍福旬月之間穢蕪而至朝廷嘉之州檄爲治中轉別駕遷吳令中軍將軍殷浩將謀北伐請爲諮議參軍皆甚重之遷長史浩方修復洛陽經營荒梗適爲

上佐甚有匡弼之益軍中書檄皆以委迥時羌及
丁零叛姚襄結營逼浩浩令迥擊之迥進兵至襄
營以計破之乃取數百雞以長繩連之繫火於足
羣雞駭散飛集襄營襄營火發因其亂隨而擊之
襄遂敗及桓溫奏廢浩佐吏迥遂免頃之除中書
郎穆帝將修後池起閣迥上疏極諫帝嘉其言
而止昇平末遷太常穆帝崩山陵將用寶器迥諫
並書奏從之迥在職多所匡救著阮籍序贊逸士
箴及詩賦奏議數十篇行於世病卒時年五十八

宋

宋庠字公序安州安陸人後徙雍邱父玘嘗爲九江掾庠天聖初舉進士第一召試直史館同修起居注再遷左正言郭皇后廢庠與御史伏闕爭論坐罰金知審刑院密州豪王澥私釀酒隣人往捕之澥給奴曰盜也盡使殺其父子四人州論奴以法澥獨不死宰相陳堯佐右澥庠力爭卒以澥抵累遷翰林學士庠初名郊李淑恐其先已以奇中之曰宋受命之號郊交也合言爲不祥帝弗爲意

他日以諭之因改名庠

葉情臣戲其更名庠答詩云紙尾勤勤問姓名禁林

依舊玷簪纓莫驚書錄顯

賢元中以右諫議大夫

參知政事庠爲相儒雅練習故事自執政遇事輒分別是非嘗與宰相呂夷簡論數不同凡庠所與善者夷簡皆指爲明黨悉出之乃以庠知揚州范仲淹去位帝問誰可代者皆薦宋祁帝雅意在庠復召爲參知政事帝嘗召二府對資政殿出手詔策以時事庠曰兩漢對策本延巖穴草萊之士今備位政輔而比諸生非所以尊朝廷請至中書合議條奏論者以庠爲知體皇佑中拜兵部侍郎同中書門下平章事諫官包拯彈之乃以刑部尙書知河南府封莒國公數言國家當慎固根本畿輔

宿兵常盈四十萬美則出補更戍祖宗初謀也宜

慎守之英宗卽位移鎮武軍改封鄭國公庠前後

在中書皆以愼靜為治後以司空致仕卒贈太尉

兼侍中諡元獻庠自應舉時與祁俱以文學擅名

持身儉約不好聲色讀書至老不倦善正訛謬然

天資忠厚嘗語人曰逆詐恃明殘人矜才吾終身

弗為也人以此稱其長者庠微時偕其弟祁遇相者曰小宋他日當魁天

下大宋不及後隨父仕應山一日集雨盈溝見浮

磯如塊庠為編一竹橋渡之畫脫於水後復遇相

者驚相謂曰大宋面有陰鴈文必曾活數十萬命
者他日當與祁並魁天下庠憎其言前後刺謬不
答徐叩之以渡蟻對相者

朱充國字仲裕庠之子也刻意問學仁宗知之召
試學士院賜進士出身知太常禮院英宗祔廟議
者欲罷祧倍宗藏夾室充國請配感生帝爲宋始
祖從之東西府建上二箴以戒大臣大臣不懌遂
致仕

明

邊完字克修景泰丙子領鄉薦屢上春官不第謁
選授知縣尋擢廣西道監察御史一日侍班憲宗
皇帝喜其容儀端正言詞敏捷謂可大用成化六
年奉命出按直隸修理邊關靖定疆場事竣畫圖

以進帝寬久之稱賞曰宜乎名爲邊完也遷山西
僉事以憂去服闋仍補山西陞陝西固原兵備副
使至則北敵寇邊完剿殺甚多朝廷賜花幣以勞
之宏治二年忌者中傷左遷雲南叅議以疾乞休
卒於家

劉時用字際顯宏治甲子領鄉薦六試南宮弗利
乃謁選授宜君知縣陝西舊有回賊時猖獗當道
廉知時用才敏令剿之時用乃提兵三萬人直抵
其巢會二子在任因以長子城守以次子自隨

嚴甲日校戰子而彼刃弗知戰益力戰

生擒賊首田廸陳修己李金魚等以歸回患遂平
遷南京中軍都督府都事官至陝西行太僕寺少
卿致仕卒年七十七

許際時字商霖正德甲戌進士授池州府推官庚
辰會宸濠謀逆寇金陵勢張甚際時督兵禦之躬
擐甲冒殊死戰宸濠敗走國史所載當時挫賊罵
賊有河南二許際時及固始許達也以功陞南京
太僕寺丞

徐自得字深甫嘉靖辛丑進士授行人轉兵科給
事中時邊方多警乃上備邊策數千言無何北敵

偽求納貢詔百官議可否皆相顧莫敢先發自得
獨抗有敵性狡詐不可許上深然之因默識其名
後吏科缺員部疏不及其名上特注曰着徐某協
理其爲帝心簡在如此尋以父年老乞終養居家
杞邑徭役躋足自得力陳其害於當道額外之征
因得減免至今里人頌德父憂服闋補工科復陳
開河之患民受其惠尋遷尙寶寺少卿旋以繼母
憂去服除屢薦不出卒年六十有九子正學字懷
南舉進士累官東昌府知府著有知年餘力數卷

李際春字應元曾祖祥永樂時居家會大雪有樹
商馬逸遺千金於道祥待其至完歸之商欲分謝
力却之商含淚跪謝而去際春弱冠舉嘉靖丙辰
進士授行人時流球中山王請封應往者各以計
脫際春獨毅然請行適倭寇浙閩往返艱危中幾
三載初解維時颶風大作浪兼天湧不分晝夜舟
刺刺有聲若分崩然衆皆股栗際春獨危坐不動
俄而紅光觸天若有神緋衣峨冠擁護得免使還
上嘉其不辱君命擢爲桐寶寺丞累遷通政使時
江陵相用事中外傾附際春獨抗直不阿因有中

木
卷之十四
傷意乃嘆曰丈夫以七尺軀何至作兒女態向人
媿趨取容乎遂投袂而歸歸則於私第傍構園囿
蒔花卉於其中名其堂曰逸親父病不解衣而寢
居喪哀毀骨立歲時伏臘輒痛哭流涕其天性純
孝如此萬曆十一年病卒朝廷遣官諭祭

李茂春字蔚元際春弟也萬曆庚辰會試中式癸
未廷試扶風知縣三年報最擢刑戶二部員外郎
中出爲陝西僉憲備兵雁門濫任日修邊垣二百
里節省銀五萬兩悉疏報上勅擢叅政賜金六十
兩擬武衛原有校馬軍場八百餘頃久爲豪強隱

占茂春蘆正如數尋致仕歸以壽終子來廣有軍
功授南京江防都司都指揮使

黃鶴字鳴臯嘉靖己未進士授嘉興府推官擢戶
部主事歷員外在職清謹有聲奉命察陝西花馬
池糧儲遇西賊奄至圍城數日鶴設計退之保守
孤城訖無恙復命晉郎中請告家居十六年奉其
親殊備色養服闋補武庫郎中陞湖廣副使兵備
鄭襄襄樊故稱盜藪隨波出沒爲害甚劇鶴密偵
之操練軍士一日晝獲其渠魁寘之法民始安堵
會襄陽大祲鶴搜羨金數千兩煮粥賑之全活甚

衆遷陝西按察使未幾以疾乞休卒於家鶴生平清介和易與人無忤凡里中利弊挺身自詣公府曲爲調停期於得當而後已故鄉黨無大小遠近心服靡間建祠西關歲時祀焉

侯于趙字宗度三歲而孤事母以孝聞嘉靖乙丑進士授平陽府推官陞戶部主事權河西稅稅贏故事報部未十一于趙悉報之還部日司農執手

曰廉吏也隆慶初改兵科給事中疏漕運利弊甚悉上允行值災異求言陳五濫曰編審過濫免役

過濫馳驛過濫供張過濫勢要侵奪過濫監覈亂干

餘言且多涉貴近語上嘉納之神宗登極早粵不
應于趙曰天意斷可識矣上修省之實疏值朝審
上竟恤疏尋陞兵科給事中上近倖招權恣肆疏
乙亥陞工科都給事中武清伯帝舅也請三萬金
營生壙上予之于趙上疏云錫予無制則驕肆易
生恩寵過極則請求難繼濫請非所以自愛過予
非所以愛人疏上人爲之危于趙入與母楊訣待
罪朝房上袖其疏不使太后知于趙竟無恙而李
請遂沮時漕籍黃河爲利而病其壅歲勤疏濟東
有泃口漕臣欲開之以避黃江陵相主之于趙抗

疏云沕河必不可開議者懼忤江陵意請遣重臣

往勘之上卽命于趙往旣勘乃會圖爲疏極言沕

河不可開狀上寔其言議遂寢江陵不懌會詔採

木又遣中官織造于趙執奏再四江陵遂決意逐

之於是出爲江西叅政厯湖廣按察使陞右布政

使署左當是時江陵橫甚于趙官其里三年書問

都絕辛巳陞山西左布政使至則詔均田先是豪

猾朋奸摘愈清詭隱愈甚于趙力爲綜核法精而

嚴晉人熙然稱便癸未陞都察院右副都御史巡

撫山西山西試重歲捕芻十數萬計費下帶數法

新舊通理而舊通常倍於新不滿數者罰有差或
罷之于趙條上利害有云見徵猶逋而又帶之是
驅之逃也無民地孰與耕不耕賦從何出臣願舊
逋一切罷罪舊逋官之令亦一切罷儻猶逋耶併
以罪臣願罷斥無恨疏上得減五之一歲饑吉隰
石樓間結聚剽掠甚衆聞于趙至卽時解散乃疏
請蠲賑而以歲積五十餘萬金抵其數寧武軍丁
以借餉集數百人舉礮闕監軍門報至于趙佯不
爲意軍丁聞之皆散去次日始斬首者李現以狗
時北敵自款貢來邊民安枕而武備漸弛會義順

王俺答新喪上疏條邊務上卽令至所部諭之乃躬履衝要相機整飭俾黃台吉卜失兔諸部落各以恩威相持四閱月始得嗣封禮成兵部疏其功上之得溫旨賜白金文綺明年丁內艱歸服闋數薦不起僻處窮鄉絕跡公門十餘年卒年六十有二訃聞上悼惜之以有邊圉功特賜全葬崇祀名宦鄉賢

徐鳴鶴字子齡生而奇偉卓犖弱冠屢試有司皆冠軍嘉靖壬子領鄉薦七上春官至辛未始登進士第初授屯田知縣屯田土瘠民貧胥吏多乾沒

爲姦鳴鶴至一切皆用威嚴以提攝之屯留大治
尋以憂去服闋補任棗強惟與百姓相安於無事
而已擢四川道監察御史按宣大所部有不法者
悉窮其狀吏民憎服貪污者望風解印綬去是時
邊陲多故鳴鶴亟陳邊政十款疏上天子褒嘉之
居恒揣摩邊事犁犁皆中窾槩雲谷之人倚爲長
城尋病歸久之拜山東道監察御史巡按福建中
道邁疾輿還是時子元亦拜陝西道監察御史父
子同官蓋希邁云鳴鶴坦易近人鄉閭思之建祠
於西關外與邑人黃鶴春秋並祭

徐元字善長鳴鶴子也萬曆庚辰進士授吳江知縣吳江舊稱繁劇湖水屢爲患泣事六載得士民心以最擢陝西道御史上疏言江南積逋錢糧宜蠲力陳帶徵四害語甚痛切上嘉納之會災異應詔陳六事上降旨允行時儲位未定首疏請冊立不報尋按遼東臨行上舉大政逐邪臣疏又上請建皇儲疏未幾復上疏云臣聞之豺狼當道安問狐狸邪惡太監如張鯨者非今之所謂豺狼乎近聞且召用矣夫人方畏其惡而皇上復假之以權

八方欲食其肉而皇上復示之以寵中外臣工

快其去而皇上復令之人臣之所不解也疏入不
報尋以父憂歸服闋補浙江道御史又值朝議建
儲臺臣劉光復被廷杖舉朝緘口元復上疏申論
極其切直上意漸悔皇儲遂定時中丞李世達銓
臣孟化鯉言事忤旨俱遭斥逐元抗言申救中外
震駭後巡按山西養病回籍及瘳仍補御史巡按
蘇松以母憂歸服未闋而卒

孟紹虞字聞叔萬厯癸丑進士選庶吉士累官
詹管正詹事時逆璫魏忠賢擅政紹虞以位望
枚卜璫黨崔呈秀投刺求見紹虞拒之坐客問故

曰崔必承璫指挾揆席啖我不拒臣節掃地矣璫
由是銜之紹虞急請告不允尋擢禮部侍郎莊烈
帝立初御經筵紹虞以亾姦未殄首先進講引古
帝王明斷寓諷上歛容稱善無何擢禮部尚書兼
翰林院學士在禮部條畫興釐十二事皆報可留
是時璫焰初息執政者憚上英察務欺罔塞責紹
虞自度時勢不能有所匡救乞骸歸田得旨馳驛
歸家居之日見族黨有貧乏不給者惻焉憫之捐
義田千畝爲婚嫁喪葬資復就城西構茅屋數十
楹立文敬社集鄉邑子弟之英雋者肄業其中

兵戈擾攘而訓誨弗輟也歲乙亥春流賊攻杞紹
虞棄厓募敢死士悉力并禦賊衆敗走辛巳賊以
杞守固乃用奇越杞悉力攻汴謂汴陷則杞孤席
卷易耳汴危紹虞瀝血馳書抵保督楊文岳總鎮
左良玉縷陳賊勢爲痔糧以待督鎮懸書示麾下
誓滅此朝食紹虞率先傾橐四千金與邑人合捐
二萬餘金我兵鼓行西賊遁城賴以全巡撫高名
衡巡按任濟合疏以城守功入告上賜帑金三十
兩紵絲四表裏旣聞秦督兵潰賊勢愈猖獗隣邑
悉破邑令呂翁如懼孤城難保欲爲合汴計又恐

當事者弗許紹虞使其子罔驥往說許之於是齎戰守具詣汴與汴合已而賊衆踞杞邑士民獲免鋒鏑焉賊又決河灌汴紹虞知事不可爲乃避地淮陰甲申夏五月聞賊陷京師天子殉宗社因仰號泣不食數日而死

孟罔驥字調之紹虞次子也性沉摯有大略長嫻韜略兼善騎射崇正己卯魁於鄉遂有抵掌當世志壬午會流寇擾大梁墮名城數十殺傷甚慘邑令呂翁如懼力緝弗支欲棄城走驥以大義爭之時人情恟恟見縣令無固志各存全軀保妻子令

逃竄強半令又難能亦宗驩乃與計願與同社何印
光出說巡撫高名衡及監軍主事蘇京齎戰守具
爲合汴計京故杞令也遂從之檄翁如至汴與巡
撫會議聽指揮而杞士民皆往焉已而賊騎至杞
免懼鋒鏑者數萬衆驩與印光二人力也

羅文英字劒狎其先豐城人從祖遊梁因籍于杞
登第後授中書舍人擢監察御史辛酉上疏陳時
政上嘉納又言內市奸究易混請罷會言官以論
事忤旨文英遺書政府救之咸高其義是年奉命
按閩卒於官孫繼謨己亥進士

國朝

李日芳字元白家貧授學明季癸酉領鄉薦壬子
謁選授寧遠知縣調藍田

皇清定鼎授鞏昌府同知尋遷慶陽府知府先是慶陽
爲賊所陷士民多被殺掠城市一空且諸山砦賊
堡猖獗特甚雖府設兩營兵而兵寡將懦聞變多
畏縮不前日芳率本衙丁壯並呼兩營激勵之直
抵賊穴不旬日諸堡悉平中有被虜婦女令入城
居庵觀內捐俸養之張榜聽其骨肉來認完聚者

首餘家自是招來無緩未二載慶陽大治

州兵巡副使是時甘肅三州被獮賊盤據已久日
芳聞

命單騎之任誓滅此朝食尋隨陝督孟喬芳協力追剿身
冒矢石與獮賊戰旬日其城始下又憐地方新創
之餘救死扶傷與爲休息凡六載遷浙江按察使
轉右布政使政聲益著丙申蒙

內詔除通政使未匝月以病乞骸骨歸蒙

上諭引見賜晏瀛臺垂問再三馳驛歸里卒年八十廕二
子入監讀書

按杞材自昔稱盛矣漢之二鄴魏之二高晉之二

江桓桓蔚蔚允文允武其人倫之彥乎近代邊完
侯于趙諸人或宣力疆場或匡輔朝宇敷歷中外
綽有成勳庶幾哉頡頏古人矣

循績

昔漢宣帝首重吏治而兩漢所著循吏不過十餘
人豈載筆者之過刻歟何其難也後世士大夫甫
釋褐輒覬貴近薄郡縣蓋內地易苟容而外官難
僥倖脫有封疆之變水旱之災其才不才遂當立
見明劉忠宣解館當雷而求試吏正此意也杞以

昭代諸人往往厯盤錯而政績卓然然則士苟以功
名自期隨在總堪自効豈必顯赫而後能有爲哉
東漢

王業字子香爲荊州刺史山無蝮蝎豺狼川無鯨
鯢風波不動後送喪還鄉忽有白虎立其側護至
境而回荊州民爲之立碑號荊州白虎王君歸葬
於此今子孫亦號白虎王氏

晉

江灌字道羣父嘗尙書郎灌少知名州辟主簿舉
秀才爲治中轉別駕遷晉陵太守簡文帝引爲撫

軍從事中郎後遷吏部郎時謝奕爲尙書銓叙不
允灌每執正不從奕託以他事免之受黜無怨色
頃之簡文帝又以爲撫軍司馬甚相賓禮遷御史
中丞轉吳興太守灌性方正視權貴蔑如也爲大
司馬桓温所惡時温方執權朝廷希旨故灌積年
不調會桓薨遷尙書中護軍復出爲吳郡太守加
秩中二千石未拜卒

江績字仲元灌之子也有志氣除秘書郎以父與
謝氏不睦故謝安之世辟召俱不應論者多之安

亮治爲會稽王首子驃騎主簿多所見東歷咨義

參軍出爲南郡相會荊州刺史殷仲堪舉兵以廢
王恭要續與南蠻校尉殷凱同行並不從仲堪等
屢以爲言續終不爲之屈仲堪憚其堅正亦不強
也朝廷聞而徵續爲御史中丞奏劾無所屈撓會
稽世子元顯專政夜開六門續密啟會稽王道子
欲以奏聞道子不許元顯聞而謂衆曰江續聞我
父子遣人密讓之俄而續卒朝野悼之

宋

魚周詢字裕之早孤好學舉進士中第爲大理評
事歷知南海分宜靜海三縣通判漢州城中夜有

火部衆揀之植劔於前曰攘一物者斬火止民無所失尋以尙書屯田員外郎知真州召爲侍御史陝西用兵科歛煩數命安撫京西路還賜緋衣銀魚進起居舍人知諫院固辭乃以尙書戶部員外郎兼侍御史知雜事時渭州城水溢尹洙鄭戩爭未決詔周詢與都轉運使程戡相利害周詢是戡議遂成之慶曆八年手詔近臣訪天下之務周詢對策論時政得失皆中欵蔡仁宗頗嘉其詳敏及卒帝嗟惜之特贈尙書工部侍郎周詢性和易聞

見該合明史事在安州時周史見大蛇垂鬚猶即

視之乃周詢醉而假寐世傳其異

元

尙敏字伯達武宗時人由椽臺辟工部主事遷奉
訓大夫滕州尹又懋完州曹州所至有聲延祐二
年爲歸德府知府以七十致政拜亞中大夫老於
家子守中廕授敦武校尉

明

楚均昂字子昂元末登第明洪武初仕完州判官
敦尙仁恕民不忍欺同僚有酷刑立威者均昂諭
止之曰政在養民傷生過多不足貴也同僚悅其

言而止時以古循史稱

徐暹字景昇幼好學精於易洪武十四年詔求經
明行修之士屢徵始就試以對策上大奇之拜廣
東右布政使廣東地濱海徼洞徭海寇時出沒作
亂暹宣朝廷恩意多方撫馭嶺表大定太祖嘉其
績將擢爲通政使暹懇辭歸里營園一區占玩易
象以終餘年臨終謂其子政曰爾子若孫當世授
易學以承吾家傳言畢而卒

按景泰甲戌宏治庚戌登科錄俱以景昇

爲名豈以字行者與

廣東通志卷之十四

會友饒...民...之曰又...
於諸里中民胥賴之永樂初卒于官疾革時屬其
子曰耀人德我籍於此猶愈吾鄉也子如其言比
葬百姓哭奠祖送者千餘人

徐紳字公儀暹之孫景泰丙子領鄉薦永樂甲申
成進士授吏部文選員外郎出知臨府每勵佐僚
曰惟洮河水從吾飲耳其餘皆民膏也其廉介有
如此者

李惟聰字守愚成化乙酉領鄉薦歷邳州知州廉
以持已恭以率物士民胥服歷官工部郎中山西

副使

徐木字惟喬紳子成化庚子領鄉薦宏治庚戌登
進士授戶部主事陞郎中總理大同糧儲有惠政
軍民頌功立石邊亭所著有易說河圖洛書解尤
工詩

丁懲字啟善家貧力學宏治戊午領鄉薦屢上春
官不第謁選爲平鄉令在職清勤陞青州府通判
時頗神鎮多無賴逋夫相聚爲盜公至悉擒致之
民賴以安去後伐石誦德焉居鄉醇謹事母最孝

袁堂字士升生而卓犖十三補邑庠員入貲爲太
學生授廬州府經歷轉合肥知縣正德壬申蘇寇
劉七擁衆犯合肥堂完聚繕守率士民乘城拒戰
砲碎其白馬將賊夜遁去遣卒追之斬首數百時
堂衣不解帶者四十餘日足着於襪拇甲爲脫已
而官軍駐城下堂調給糧芻軍用不乏以功擢山
西行太僕寺丞去民皆肖像祀之

陳乙字子木卜兄也聰穎嗜學善古文辭嘉靖戊
子舉於鄉壬辰成進士授工部主事轉員外鳩工
節省朝野頌其清介尋告病旋里藥餌茗香而外

不與官衙事病痊補刑部員外一切大獄經其讞
決悉平允陞山東僉事丁憂服闋除四川兵備僉
事值羌戎竊發擐甲胄矢石底定羣逆卒以剛
直不合引疾致仕

劉喬桂字雲卿喬松弟嘉靖戊子領鄉薦授博野
知縣敦大廉介案無畱牘士民愛之陞慶州通判
各縣所解稅餘悉還百姓一無所取

徐守義字子和少孤同伯父野公同居因授業焉
嘉靖壬辰進士初授揚州府推官有治聲擢禮科

給事中轉兵科數督事多蒙採納會大時宰永嘉

意出爲山東副使秘流還陝西在布政使尋遷任
五世孫榮順治乙酉亞魁博學善古文詞樂獎掖
後進士之遊其門者多掇巍科去執經戶外履滿
善持月旦評儼然有魏晉中正之遺邑內有事關
利害者輒出調停不遺餘力外此惟從事臯比以
講授爲務學者比之陳太邱王河汾焉

劉光遠字子旭嘉靖壬午領鄉薦屢困公車遂肆
力於本朝典故明習吏事庚戌舉進士授翼城知
縣轉正定府同知累官陝西苑馬寺卿厯官俱有
成績年八十卒從弟光迎嘉靖丙午領鄉薦謙和

自守閉戶著述羣推爲真孝廉諸孫蕃盛士衡老
成熟於典故闔邑後進奉爲楷模士美慨慷急公
每遇邑中賦役諸大事有病民者輒率先請蠲弗
避利害人稱其賢

閻立字慎齋博學強記尤工於詩嘉靖乙卯領鄉
薦屢困公車謁選授大名府通判晉同知上官重
其清簡檄視清豐縣篆有富賈犯重粹以二千金
求脫者立執法不少貸竟抵罪又視長垣東明二
縣篆嚴緝羣盜境內帖然尋以年老移病歸里壽

終

由禮門字申夫隆慶辛未進士授秀水知縣有民
張子龍妻黃氏私於僧法相而殺其夫沉屍於井
詭詞以控禮門察其情驟訊曰若殺夫而更禍他
人耶黃氏色動遂吐情實搜其屍果在水中邑中
皆咋舌稱其神明尋擢兵部主事歷漢中河南襄
寧兵備僉事後改開元朱任率

張鳳習字岐陽性直諒以博雅名邑中事關風化
不避強禦力爲主持隆慶庚午領鄉薦初授高陵
縣知縣歷陞鞏昌府同知慈惠明決所至士民帖
服

陳九成字子韶萬曆甲戌進士授吳江知縣力破
舊習獨行已志邑政一時改觀乃苦於結約疽發
背卒

侯應徵字公選父一位有聲庠序叔于趙所從受
業者應徵美丰姿善談說萬曆丁丑進士授南和
知縣治行異等調繁儀真擢戶部主事陞郎中乙
酉奉命監督蘇松漕糧蘇松財賦甲天下吏民相
緣爲奸應徵力清宿弊部考紀錄丙戌擢員外郎
出爲江南按察司副使備兵徽寧管轄幾千里繁

前年治應徵精置和法報收爲雷都最甲午陞山

東布政司左叅政與巡按御史論事不合拂衣歸
卒年六十有五崇祀鄉賢

周九臯字翀鳴天性穎異博綜羣書萬厯壬午解
元庚辰進士授正定府推官吏治平允獄無冤民
巡方屢薦之乃以素性清約積勞成疾率官
耿爭光號明庵幼穎異博洽能文屢試輒冠萬厯
丙戌進士授刑部主事朝廷嘉其明慎特命恤刑
江南每訊大案必研悉情實期無滯獄事竣陞本
部郎中出守夔州有惠政蜀當薄承恩寇亂之餘
馬湖石柱二土司構釁撫軍知爭光廉幹以其事

屬之甲兵不用反側頓安直指上爭光治績爲全
蜀第一朝議擢用尋卒夔人建祠祀之子天壽萬
歷辛卯領鄉薦時未弱冠父卒于官天壽數千里
走蜀扶櫬歸道經瞿塘灩澦諸險隘憂危幾廢寢
食卒無恙人謂誠孝所感云孫重臣邑庠知名士
國初受知巡撫吳景道待以國士邑中有利病輒從
容言之曾孫念劬順治丁亥進士授興寧知縣有
治績詩文爲世所宗

尙三策字獻可誠慤廉正萬歷甲午領鄉薦初任
膠州學政陞慶都知縣振畿有方全活甚衆補任

蒙陰山寇紅標作亂策計擒之民賴以安

張克魯字仲明聰敏善屬文邑中名俊多從之遊
萬曆十九年貢授河內訓導視縣篆開山疎道以
便行人士民勒石頌德陞羅田教諭卒

聶維賢字平阿萬曆間由選貢授會同知將德苗
賊作亂維賢恩威並用卒皆招服累遷臨沈府同
知上官知其才檄使治兵甘肅與西戎戰屢有功
以病歸里壽終

徐順明字子洽幼有卜者曰此貴顯子也及讀書
工於文學萬曆戊戌舉進士授元城縣令廉正不

阿尋遷刑部員外奉命恤刑福建多所平反歷鄖陽知府四川副使陝西叅政皆以廉著稱旋里杜門七十六以壽終

許明陞字文石濟時孫萬歷丁酉領鄉薦授光州學正士習丕振擢戶部員外節省無浮晉延安知府修城築堤募兵請餉期月間勤勞著績坐是成病卒於官

周光燮字和則幼丁外艱奉母以孝聞撫諸弟曲盡友愛萬歷癸卯舉於鄉丁未成進士由大理評

議列舉加刑部員外無訖績出爲正定知

府清介自持惠愛道異官廣西右布政使

周光夏字敏山九臯季子光燮之弟天啟五年進士授南京工部主事抽分龍江節省羨金數萬兩朝廷嘉之出知寧國府尋調淮安府遷江西副使乙酉饑嶺南與卒於國難

劉炳文字經元萬曆丙午領鄉薦任夷陵知州時遼民判攻州城將陷炳文竊冒矢石奔禦經月城卒獲全事聞於上命贈運司運同

潘士秀字德厚天啟壬戌進士授高平縣令清介自持釐弊最著不爲干以私下車三月頌聲載

道後以病卒於官

侯應瑜字珮之子趙次子也生而慧悟九歲善屬
文及長風神爽嘗博綜羣書萬曆庚子領鄉薦丁
未署固始教諭與諸生早暮淬勵有蘇湖遺風丙
辰擢知泰安州去多士樹石頌德泰安時大祲民
窮盜起應瑜劬強暴招流移各給牛種令墾荒蕪
期年而民皆復業庚申報最遷浙江嚴州郡丞州
入萬餘赴撫按號泣請贖撫按上其事奉旨加濟
南郡丞仍管州事次年值妖人徐鴻儒倡亂破汶
上縣官散泰安應瑜親督捍禦以大義激發人心

賊已入境聞有備轉掠他邑而去又山後有劉三
才者聚眾將謀不軌事且舉應瑜立殲渠魁餘皆
解散時鄰封焚戮甚慘惟泰安一州稱安堵焉壬
戌陞刑部員外癸亥轉本部郎中應詔陳言大略
謂正人心以息亂胡慎彰瘡以清形獄語多指斥
宦官爲璫輩所深忌因出爲鄖陽府知府方欲有
爲而當事以考功法中之越三月解綬歸莊烈立
帝褒顯舊忠起知廣東德慶州未行而卒年六十
鄉里知與不知皆惋惜之公舉崇祀鄉賢

秦夢熊字吉甫少失恃事繼母以孝聞萬曆甲午

領鄉薦初授魏縣教諭陞翰林院孔目刑部司務
司寇張公深器之薦轉戶部員外郎管祿米倉權
貴關支有所求假輒峻却之轉本部郎中尋差督
寧武糧儲禁革招買之弊計出耗銀二萬兩制院
欲上其事熊恐難繼力止之遂以抵別欠秩滿復
命見璫難將作乃以足疾乞骸骨歸人多其見機
云闖寇至境遇害事聞贈太常寺少卿加贈太僕
寺正卿長子景崇正癸酉鄉科以孝友稱流寇犯
杞有捍禦之功巡按獎之孫維垣有文名甲午選

續已亥聘修鄉志人服其健筆云

劉鼎鉉字寧騫性直諫博綜有大略萬曆十四年
貢授嘉興通判職兼織造機戶苦供應動輒傾敗
鼎鉉力白當事特疏請之報停織造又浙地瀕海
民居常苦水患累年莫治鼎鉉爲移文築堤禦之
踰年告成民賴以安

孟楠字勝任爲人朴誠敦厚樂施濟善屬文髣冠
補博士弟子員長垣李化龍視學中州拔置第一
廩於庠徵入大梁書院與名下士靳於申王惟檢
等共訂大業一時名噪藝林歲癸丑以明經謁選
往山東堂邑訓導至署一以興文教振士風爲已

任堂俗儉朴士多貧者楠一切羔雁不令具且割

寒橐沾濡之卯辰之歲東土大饑楠倡義偕邑令

各捐俸賑之令曰惡有貧博士賑人者還之不受

曰餓男子幸得哺其有嫠而老者多羞縮不能逐

隊赴賑吾以是哺之可乎因設法領給咸沾實惠

上官聞之高其義會夏津令闕檄楠視夏津篆夏

津民復饑甚楠受事百方指畫立粥場四十九處

賑銀九百餘兩米千三百餘石全活者數萬人事

竣冊達上官無不人人稱嘆巡方行荒兩御史交

章論薦羅國等益典藉楠循分自盡職不少懈一

如訓堂邑治夏津時適子經虜自謂有濟合
楠曰吾自有博士家法無恩汝爲也歷歲餘出宰
興濟興濟於畿內爲疲邑地窪城不可耕兼以水
旱頻仍四境半成草萊而有司催科不少貧民之
逋賦逃亡者十室八九邑有四十八軍屯舊屬令
管轄諸凡得以節制後爲奸弁刁卒告歸衛所軍
悍民弱一刀俎一魚肉也且榛莽藪盜軍不禦而
委之民有司者不得問邑又有額鹽六萬斤軍民
均派屯歸衛則不任派又恃悍卒勾黨羣爲販鬻
胥吏輩莫敢誰何於是累年額大虧而民重鹽困

矣况興濟爲水驛要津冠蓋進貢之船往來如織
供億輒不給而勒索者如狼虎邑甚苦之楠目擊
心傷歷數其弊列四款以請於上官曰荒蕪當開
軍民當均驛害當除舊欠當停語語懇切不減鄭
監門流民圖也上官爲之色動概允施行而興濟
數十年來積弊一旦頓除矣尋以病歸謝絕一切
世務而課子若孫不辭勤劬焉先是楠爲諸生時
田產盡讓之兄弟而以授徒自給同邑侯中丞于
趙素重楠令二子受業者十餘年後皆以文章顯

相繼登甲乙榜進士名區楠毫無所干與又觀家

使王景慕其名介自守其志其子惟唯
王深德之每授意指謂當有所闢說無不如命而
楠弗屑也其賦性狷介類如此卒年八十有二

馬呈德字大生幼聰穎年十二能屬文弱冠舉崇

正辛未進士授富平知縣富平陝劇邑也田賦十

萬甲於鄰封官此土未有不染指者呈德操履廉

正收解悉付大戶取辦官事不計錙銖時值寇亂

四境常被焚掠呈德鼓勵鄉勇率先防禦斬獲甚

衆又增築附城廣修各村堡寨賊知有儲備卒保

無恙薦擢刑部主事先是本部有大案不結呈德

承審必據理分割以法裁決都人士咸服其明司
寇嘉之凡經年難決沉獄必委治之出爲太平知
府呈德幼爲祖母所撫育跬步不離厥後遊宦數
年殊違色養及奉太平之命抵家而祖母已告終
痛不及親含殮遂嘔血數斗感疾至官踰月而卒

國朝

江禹緒字仲平其先歙人也隨父僑寓永城自永
遷杞遂爲杞人禹緒天資穎異年十四就童子試
遂冠軍學使者陳騰鳳校士中州深賞之明年辛

未舉進士授襄陽府推官時流寇張獻忠蹂躪疆

土井義有震聲恐再結信李屢言請備防惠卒保
無恙五載報最量移儀曹未幾遷通判僉憲尋改
赤城兵巡宣鎮叅議所在皆有聲辛巳以僉都御史
史進撫宣府是歲中州大禩人相食緒有臣邑獨
慘一疏對切淋漓感動上心杞賦竟蒙蠲免未幾
被彈解職

國朝定鼎督臣疏薦遂以兵部侍郎招撫湖廣禹緒
抵任日撫綏多方恩威並用楚境頗安俄奉

詔撤還飄然解纜歸里殊無愠色家居與親族遊處雖歡
然壺觴而崖岸自峻凜不可犯卒年六十四

馬其昌字遂良早孤事嗣父母以孝聞順治丙戌
舉進士授平谷知縣時畿南初定滿漢錯處人多
驚徙無定有張來宗者虎翼也強占民田其昌申
部重懲之由是豪猾屏息民情始安巡按疏薦調
長沙知縣時湖南未甚輯寧長沙適當衝要其昌
還定安集民始復業然羽檄交馳支應繁難以致
積勞病卒囊空至不能辦棺殮嗣子體乾迎其喪
以歸葬後舉康熙乙丑進士

馬頤字人表性英敏早孤母教之不肅而成然樂

從觀弗屑章句旁及書畫丹鉛篆隸悉究心窮其

精妙弱冠補邑庠弟子員試輒冠軍舉

國朝首科進士授淮南府推官願舊嘗遊其地風土頗悉蒞任時當草昧人惑岐趨願一以寬大治之吏民馴服淮設三城舊制督撫建牙舊城遠督漕運近防海陬

國初更增部堂創署新城以鎮撫之由是三城兵民雜處囂呼紛錯又值海上寇變環淮屬邑俱已騷動嚮應願移署坐鎮危城始安又爲設法調和軍民商賈始熙然就業未幾爲忌者所中竟坐移鎮事左遷大名府經歷願恚甚之官未數月病卒士

論惜之

李吉字吉人順治戊子以科試第一准恩貢壬辰授臨朐知縣邑多盜前令冬捕獲多寃民吉嚴鞠清濁立判而真盜終獲羣服其明後被論歸

丁敬字恪臣順治己丑進士授海豐知縣邑多豪橫恣虐敬廉得其名而列諸籍會有以惡欵控者敬據廳事數其罪立斃之九載擢戶部員外郎轉郎中未幾潞河權計缺員司農以敬應事竣考上遷廣西賓州按察司僉事賓州地界蠻徼徭獠

積習難除敬思或道用保谷巨盜聚風解

時思恩府下縣有盜入城殺官劫庫者題報檄下
該府鍛煉良善獄成解上敬識其寃督役力捕真
盜盡寘諸法而良善者獲釋土司有盜竊名字者
殺擄焚掠特甚率

旨四省會勦賊恃險屯山上官兵與相持月餘不能下敬
遣心膂抵賊壘陳說利害賊衆歡然解散又土司
岑繼祿因爭地觸強藩怒敬恐激變與書力爭之
兩詞甚絕強藩意解祿感

國家寬大益篤忠貞其善撫蠻方如此俄奉裁歸里
適里中有河夫柳稍之派常倍他邑苦累不堪敬

爲難陳上臺商復舊制疏請允行卒之日無親疏
遐近聞者莫不流涕云

侯體隨字從甫應瑜孫父邦宰侗儻士也體隨年
寺國遭寇亂從父避地河朔轉徙秦岱間嘗夜至
萬山中宿一古寺風吼泉鳴毛髮洒淅體隨負石
壘門奉父安寢而已獨坐至曉亂稍定始歸嘗採
蒲編筵織柳爲篋截竹爲筆日易脫粟以養父母
順治戊戌舉進士癸卯授浙江景寧縣知縣奉父
毋板輿赴任至則城郭傾圯田野荒蕪體隨毅然

恩整頓之乃禁止大戶自築錢糧火耗及秋納

諸陋規俄遇協餉温州羽檄日夜數十下民恐
匿體隨度無以應命竟以身殉闔邑皆縞素醜全
爲醜痛其失賢令也時兩女尙幼妻馬氏奉舅姑
還里女稍長馬亦投繯盡節

高顯號青麓幼穎異力學造次顛沛不釋卷順治
己亥進士授直隸邢臺知縣以廉直著聲邑中有
幫貼銀七千兩分派里甲悉爲蠲除邢人勒石頌
德又有猾胥托爲僕娶妻奪而有之顯按法懲治
斷給完配代償其直鹽巡直撫交章論薦將遷部
屬而橫遭蟻誣遂解組歸後楚蜀多警邊郡乏人

督撫以才優應變薦奉

官軍前補用遂至秦州搶攘時積勞成疾移病歸里六十而終

侯元棐字友召應瑜孫也順治辛卯領鄉薦署睢州學正在任父病元棐性篤孝晝夜嘗湯藥目不交睫者數月辛丑舉進士授德清縣知縣德清水鄉舊多盜劫掠村渚元棐每乘小舫夜巡荒僻有發必獲民以安堵庚申霖雨害稼元棐爲民痛哭申請者至再四巡撫范承謨感動卽令進拯荒策

乃條三事以上范悉疏行遂得備賑歲米

厥給散如法人滯實惠德清至今人視之生員起
棗有殺人於其田者誣告坐抵獄已具後廉得實
立爲昭雪耿逆之變奉部院檄會剿元棗得平其
壓境以計間賊黨渠魁就撫而餘衆皆散是時大
兵駐省城凡供億率皆咄嗟而辦武定李督之芳
與諸大將軍奇其才共薦之范承謨注其考曰撫
字與催科並行革弊及剔姦能斷清比懸魚才同
犀利蓋實錄也元棗在德清前後共請發賑米一
萬二千餘石錢四百餘萬請免租銀四萬六千餘
兩米六千石百姓愛之如父母云尋以例注陞內

才具示 卷之十四
閣中書未補忽聞父喪自清抵家徒跣行數千里
嘔血斗餘坐是滅性踰年卒祀人士公舉崇祀鄉
賢

耿念劬字綠芳爭光曾孫幼聰慧好學順治戊子
以副榜遊辟雍辛卯薦京闈賢書署光州學正課
士有程式已亥成進士授湖廣興寧縣令邑有懸
地千餘頃不田而稅民多死徙相繼劬懇請當事
題准永免丁蟲災請免賦稅三分之一民立石紀
德康熙己酉聘黔闈選皆名士後遇巨憝袁奇倚
侍府胥肆虐立斃之緣剛直不合遂罷官民乞留

不獲用金六百爲壽弗受抵舍於若園創抱影廬
柿葉樓蒔花種竹與諸耆舊醉月賦詩有香山洛
社風焉卒年八十一所著有若園詩黔遊草鷗沒
草藏於家

趙宣進字宗仁易聖子賦性剛直有父風出知江
南含山縣事判斷如神民稱快焉又境內有蝗爲
患進出粟數百石穀斗升相易民爭捕之是歲蝗
不爲災

孟紹伊字莘岩授裕州學政陞國子監助教累官
戶部員外轉郎中出爲雲南清軍教副使釐剔驛

樊請出站銀若干兩子鼎太學生工詩善書法有
香草集行世

閻閻淳字鄴侯明敏好學善屬文甲午領鄉薦授
林縣教諭訓士以蘇湖爲法擢平陰縣令值歲荒
懇請發帑賑濟按戶分頒實惠均沾又地多荒蕪
招流民給以牛種開懇數百餘頃督撫課吏稱最
遷涇州知府時有叛將王輔臣之變大將軍駐節
其地淳竭力營辦軍需無缺緣兵後戶籍散佚有
無地賠糧者淳履畝丈查詳請上憲悉爲豁除民
至今感德不忘

張發辰字維雍心易子也幼醇謹好學領康熙丙午鄉薦庚戌成進士授臨潼縣知縣清白勤慎擢吏部文選主事惜名器絕請謁轉驗封員外典試江南所取皆知名士復陞考功郎中人不敢于以私後引疾歸里其清約仍如寒士

劉咸字澤山幼孤事母以孝聞年十六補博士弟子員康熙壬子領鄉薦屢赴南宮不第因改授中書修三朝實錄掌典籍事俸滿授廣平府同知甫下車卽委捕蝗徧厯九屬不遑暇處又委武清監賑櫛風沐雨一月一週民沾實惠性好周恤親族

本集元
卷之十四
鄉黨至今稱頌焉

李維嵩字伊水號容仙通許籍康熙丙午膺鄉薦授西安縣令抵任聞舊有逋賦者官卽鬻其田產以償嵩獨代完四百七十有奇仍招逃亡各守其業邑有富戶鄭徽成故傷鄰人於廟用賄千金欲以寺僧抵法直却不允成轉賄上臺批駁至再終執法如前又營書葉子寅強娶江姓已許字之女秉公嚴審葉豪重賄憲臺竟爲寬假嵩究以律致罪屢拂上官意旋以他事中之罷官士民公設義櫃聚銀以作餽贖弗受歸柩閉戶教子課孫僧捐

地一頃於婁公廟

孟宏範字安道同驤子出爲都察院照磨同驤後
事嗣父母以孝聞年三十一失偶二子幼終身不
娶繼室康熙辛酉以麟經舉於鄉房師王登朝被
誣繫獄禁人往視範獨入進食王曰子多情人也
余有積俸二百金可持去用之遂攜歸閱歲餘事
雪聞已離汴範挾所貽金追至三百餘里歸之封
識如故丙子就中翰改授廣東陽山縣令邑有世
傳里長爲虐甫受事卽革之捐修義學作養士子
童生黃齡家貧不能應試給以資斧遂拔前茅由

是文風益振鄉民黃通珍等六人黑夜在地看守
綿花適曾兆倫梁朝政行竊相鬪兆倫中傷伊叔
吉容誣告圖財致命前案業以通珍等擬抵及審
得實情通詳立釋六人邑東有監田埠居民爲業
已久忽舍光境奸商占據爭訟不決範爲勘明折
占房立石爲界辛卯入闈分謄錄所因試卷訛三
字部議鑄一級調用回籍杜門教子育孫暇則時
花種竹與二三親契吟笑其間陳邑侯旌其門曰
德壽雙全八十五歲卒於家

馬象觀字順若呈彩子也性至孝九歲能屬文侍

父側卽以繼述爲己任嫡母早世事生母色養備
至康熙丁丑成進士選永豐知縣其俗有二女者
必溺其一下車嚴禁兼濟以養生堂全活甚衆治
三載積弊盡革卓異稱其清慎惠勤咨部引

見賜蟒服陞渾源州知州抵任見地寒民羸糶糴盡俟
收穫後以圖民便又里長弄權民間賦役任其低
昂乃諭百姓各輸納不假手焉尋丁艱施里適楊
中丞蒞豫省素與觀善八境卽殷訪人皆曰此利
見者也觀獨避嫌竟不往十餘年宦囊助同官惠
宗族爲之一空至居鄉和厚不以賢智先人人皆

服其雅量焉年五十四卒於家

趙廣嗣字千子少英明慷慨領康熙壬子鄉薦癸
未赴春官值族兄中郎困都中且病篤乃移至己
寓延醫調理究弗祿乃自出所費具衣衾棺木自
京師扶歸又詣同年李中署內適李病故渠子幼
任中事廣嗣一力爲之並助金歸櫬及授符山陽
陞任佟令虧帑項六百餘兩羈不能遷卽慨收交
代自爲償補蒞官勤慎月餘而頌聲載道丙午聘
秦闡所得皆知名士後捐館歸里衆民負棺出山

哭聲震野

孟載有字祐上晟長子也性孝友值母患沉痾躬藥百餘日無少懈母早世事父日益謹與弟用益同居數十載式好無尤肆力詩書屬文有先正風味中康熙乙酉科副車癸巳科解元由薦辟歷試浙江平陽壽昌俱以循聲著嗣授浦江縣令十五都地方回祿延燒百餘家無棲身所遂捐數百金安集復獲寧宇凡舊規不便於民者盡革除之又浦城外山林幽邃多虎患載有募敢死士及家丁有勇力者出郭張機械捕獲數虎搗其巢穴自是境內帖然父憂服闋因父母俱歿遂無棒檄志惟

於其高祖所貽徵社會以造士意田千畝以濟貧者克繼弗替焉撫憲彙表其間曰義門仁宇蓋實錄云

孟用益字時菴晟次子也幼失恃事父以孝聞與兄載有同居數十年無間言生平慷慨好義凡求貸者必量力周之汝州庠生程正謨索與益善六十無子益出數十金爲納妾後生子佩德不忘遵例捐授四川巴州知州地僻俗陋自

國初以來從未有登第者遂捐築義館延明師訓課時親獎勵至雍正己酉蒲曾英中式咸以爲益佳

興之功也州東門外逼近巴江百姓乘舟往還時
多漂沒心竊悼之捐俸銀造巨船以渡行人自是
無沉溺患上憲廉其事題陞達州牧其教養亦如
在巴時兩州士民不遠數千里來杞製錦稱觴祝
其父晟壽以致感戴後因屬員陳經呈悞部議降
調上憲保題引

見未及到部旋丁父憂回籍卒於家

孟貢字牧九安道長子也厚重異人幼失恃事父
以孝聞胞弟五人友愛無間弱冠入庠食餼雍正
元年名登選拔榜首邑令陳侯請主書院請席受

業百餘人六載登賢書五人膠庠過半焉六年奉
旨特開十六字保舉孝廉科陳侯獨舉貢應試各憲考取
送部引

見蒙

恩以知縣用發試江南委署吉安永豐愛民剔弊未兩月
山水暴發邑南村庄漂沒殆盡貢親稟各憲懇賑
發穀二千石自捐俸二百五十兩星夜舟運查驗
給放不濫不缺民沾實惠上憲器重之題署南康
安義地險民貧心勞撫字未一年丁父艱時有在
任守制之例董府憲欲公遵起例公揮淚謝之人益嘆

服回籍營葬一切盡情盡禮服闋領咨仍赴江西
委署廣信弋陽撫州崇仁等縣其地邊遠民性強
悍秉公執法豪強斂迹士民稱頌後以年老改就
教職曰曲成後學吾樂此不疲也至於修族譜建
家祠尊祖敬宗里黨族人皆嘆服邑令許公匾額
之曰德作民依壽八十一卒

徐學周字敦菴雍正甲辰領鄉薦己酉試用浙江
築海塘用閭壙土不侵墳墓發工食以時毫無染
指勤巡查不避風雨題補温州府郡丞宿史一見
舉曰此方正不可干以私者有勢強吞民田卽時

斷還不畏強禦庚戌以疾卒於官囊空不能旋里
子幼弟學強迎喪以歸

潘均字廷平朝冕孫也資性剛方爲文雄渾雅健
乾隆丁酉領鄉薦應陝西同考試官丁巳成進士
授廣東樂昌縣知縣居官以廉介自持釐弊剔奸
政治一清竟以剛直不合時解組歸縣令王公纂
修縣志特委重焉年七十四卒於家

孟孝標字本立號則亭用益子性渾厚樸誠成童
遊庠父仕四川留侍祖父朝夕不離左右祖父相
繼棄世服闋遵江賑例授職通判初任山西汾州

後陞路安司馬厯署平陽蒲州澤州潞安等府及
平定忻州遼州永壺關平陸孝義等州縣所在潔
已愛民案無畱牘三署永寧州州處萬山中有巨
盜嘯聚出沒搶劫標購線捕盜率健僕於數十里
岩穴中自昏達旦搶獲賊首八人駢首示衆民賴
以安平定州當孔道值大兵平定準部時軍報旁
午差務日繁一切馬夫供給皆捐俸備辦不悞公
不擾民上游重之忻州民苦撥車支差之患標至
立除其弊並立石以誌蒲郡有民田數十頃久經
協鎮營侵爲牧地民積怨莫申標下車卽清查申

請立石定界民得安委辦岢嵐州賑務時道殣相望有臥病不能出戶者親率僕吏按戶給發無缺無濫論俸陞授直隸順德府知府郡當九省通衢邑多供應民苦差徭標以儉樸自持節省繁費民稍休息調任山東沂州府半載復任順德政績如故前後幾十年屬吏皆守法無以貪黷侵虧挂彈章者趙定二州大水廬舍漂沒奉委查辦兼總賑務惟以實心行之山東逆匪倡亂盤踞臨清四出劫掠順邑密邇東境標招集義勇多方堵禦兼搜緝逆黨數人立正典刑境內安堵統計在晉在直

三十年歷委總辦諸差一以樸實爲務審斷諸案必虛心研究多所平反年老引疾歸日與故舊談孝弟話桑麻優遊林下七十有四卒

陳之翹字抑旃繼虞子少聰穎天性純孝讀書日誦千言少長工詩文併善古文詞年十九遭父喪居於外暈酒不茹歷三年如一日值父忌辰一如居喪時後丁母喪亦如之年二十八登壬子賢書丙戌以揀選靈寶教諭廉介自持每月課出已財獎賞文風大振修學署約費數百金悉由家中取給癸卯截取解靈寶任丙午授廣西陽朔縣令多

惠政尤以恤刑慎罰爲第一務上游器重之每接見講論竟日不倦督撫孫春苔令充同考試官所取皆名宿蒞任未一載沒於官

何揚牧字江撫鄉飲介賓念祖子少以孝聞聰穎嗜學弱冠膺雍正己酉科選貢壬子登賢書教授多年成就者衆乾隆壬午授江南英山知縣潔己愛民作養士子增修塘堰凡益民者悉舉行上憲知其賢委攝直隸六安州篆州素產茶賈客輳集抑稅平價商民兩得其便丙戌秋以足疾告歸愛孤姪軫恤姻黨卒年六十六子維勤附貢生

錫山錫珽錫彤相繼入庠以書香世其家

李懋勳字青符號中白維嵩三子康熙乙酉舉於鄉授江西興安縣知縣興安號巖邑蒞任後聽斷公平咸頌神明收倉谷無絲毫溢取邑被火災延燒數百家捐養廉三千金拯恤之興民無失所赴十五都相驗樑折傷足以病歸

李方泰字均亭號丹峯懋勳仲子敦厚樸實中雍正丙午副車膺己酉鄉薦乾隆庚辰授甘肅平涼府靈臺縣知縣縣有奸民郭姓與趙某妻有私携遠遁案經累年泰下車設法跣緝終得置郭於法

又縣遭回祿風烈火猛泰虔禱於闕聖祠風火頓
息辛巳大雨雹傷禾稼奉親歷田間具實詳請頒
賑自捐俸一千五百金解組時囊空百姓歛五百
金以助固辭不受羈年餘家中鬻產得盤費始歸
年七十八卒長子公讚字廷揚號瀛洲善讀書十
八入泮屢試冠軍乾隆己卯舉于鄉因父年老不
忍睽色養絕意仕途肆力于詩文父疾奉侍湯藥
目不交睫衣不解帶里黨稱焉

張諭字曉菴性敏捷工文辭中雍正丙午舉人奉
檄爲陝西同考試官任山西和順縣知縣課農訓

士風俗丕變時有山水災捐俸賑濟活人甚多後
改睢州學正卒于官